



Broj: 07-03-11-23528/22
Sarajevo, 20.06.2022.godine

Na osnovu člana 4. Zakona o izvršenju Budžeta Kantona Sarajevo za 2022. godinu („Službene novine Kantona Sarajevo”, broj 5/22), te Odluke o usvajanju Programa za sufinansiranje (dijela troškova) programa i projekata poslovnih subjekata (obrt, d.o.o.) za organizovanje poslovnih sajmova ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu “POSLOVNI SAJMOVI 2022”, broj 02-04-23327-36/22 od 09.06.2022. godine, a u vezi sa tačkom V Programa za sufinansiranje (dijela troškova) programa i projekata poslovnih subjekata (obrt, d.o.o.) za organizovanje poslovnih sajmova, ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu “POSLOVNI SAJMOVI 2022”, broj 02-04-23327-36.1/22 od 09.06.2022. godine, ministar Ministarstva privrede Kantona Sarajevo raspisuje

JAVNI POZIV

**za sufinansiranje (dijela troškova) programa i projekata poslovnih subjekata (obrt, d.o.o.) za organizovanje poslovnih sajmova ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu
“POSLOVNI SAJMOVI 2022”**

I PREDMET

Ovim Javnim pozivom za sufinansiranje (dijela troškova) programa i projekata za organizovanje poslovnih sajmova ili sličnih manifestacija u svrhu promocije poslovnih subjekata i razvoja privrede na području Kantona Sarajevo za 2022. godinu “POSLOVNI SAJMOVI 2022” (u daljem tekstu: Javni poziv “POSLOVNI SAJMOVI 2022”) utvrđuju se izvor, način i uslovi dodjele finansijskih sredstava, način realizacije, pravo učešća i uslovi odabira korisnika sredstava.

II FINANSIJSKA SREDSTVA

Finansijska sredstva za realizaciju ovog Javnog poziva “POSLOVNI SAJMOVI 2022” planirana su u budžetu Ministarstva privrede Kantona Sarajeva (u daljem tekstu: Budžetu) za 2022. godinu u iznosu od 150.000,00 KM na ekonomskom kodu: 614300, subanalitika IAN059, funkcija 041F – “Organizacija privrednih i sajamskih manifestacija”, a namijenjena su za sufinansiranje (dijela troškova) programa i projekata za organizovanje poslovnih sajmova ili sličnih manifestacija.

Finansijska sredstava se mogu odobriti isključivo i samo za jedan program i/ili projekat (ne uključujući vlastito učešće i učešće sredstava obezbjeđenih iz drugih izvora) u maksimalnom iznosu do 10.000,00 KM.



III NAČIN REALIZACIJE JAVNOG POZIVA “POSLOVNI SAJMOVI 2022”

Javni poziv “POSLOVNI SAJMOVI 2022” provodi Ministarstvo privrede Kantona Sarajevo (u daljem tekstu: Ministarstvo), u skladu sa usvojenim Programom za sufinansiranje (dijela troškova) programa i projekata poslovnih subjekata (obrt, d.o.o.) za organizovanje poslovnih sajmova ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu “POSLOVNI SAJMOVI 2022”, broj 02-04-23327-36.1/22 od 09.06.2022. godine (u daljem tekstu: Program “POSLOVNI SAJMOVI 2022”), dok će Preliminarna i Konačna rang lista odabranih poslovnih subjekata biti objavljeni i dostupni na web stranici Ministarstva (www.mp.ks.gov.ba).

IV PRAVO UČEŠĆA NA JAVNI POZIV “POSLOVNI SAJMOVI 2022”

- 1) Pravo učešća mogu ostvariti poslovni subjekti (obrti, d.o.o.):
 - a) sa registrovanim sjedištem na području Kantona Sarajevo (**eliminacioni uslov**), a čija registrirana djelatnost je vezana za promociju privrede,
 - b) koji su obezbjedili vlastito učešće i/ili učešće sredstava iz drugih izvora u iznosu od minimalno 15% vrijednosti programa i/ili projekta,
 - c) koji su organizovali ili će organizovati poslovni sajam ili sličnu manifestaciju u 2022. godini, s ciljem promocije poslovnih subjekata i privrednih potencijala na području Kantona Sarajevo za 2022. godinu, a što mogu dokazati:
 - fakturama i/ili fiskalnim računima (za sajmove koji su organizovali do objave Javnog poziva “POSLOVNI SAJMOVI 2022” ili pisanom izjavom ovjerenom od nadležnog organa za sajmove koji će se organizovati nakon objave Javnog poziva),
 - i/ili pozivom/obavještenjem/ima poslovnim subjektima za učešće na poslovnim sajmovima ili sličnim događajima koji organizuje neki od poslovnih subjekata,
 - vidljivošću da je poslovni sajam ili slična manifestacija organizovana ili će se organizovati,
 - drugim relevantnim dokumentima (brošure, videi, mediji i sl.).
- 2) Poslovni subjekti kojima su dodijeljena podsticajna sredstva od ovog Ministarstva za 2020. i 2021. godinu, a koji ista nisu uredno opravdali do dana objave ovog Javnog poziva, **ne mogu ostvariti pravo** na dodjelu finansijskih sredstava po ovom Javnom pozivu (službena provjera).

IV/I OPĆI USLOVI ZA ODABIR POSLOVNIH SUBJEKATA (OBRT, DOO)

Poslovni subjekt koji se prijavljuje (obrti, d.o.o.) mora ispuniti sljedeće uslove:

1. da nema status: javnog preduzeća, javne ustanove, javne institucije, organa ili jedinice lokalne samouprave ili bilo koje druge javne institucije, banke i druge finansijske organizacije (oblasti po KD BiH 2010: 64-66);
2. da nema status poslovnog subjekta koji obavlja djelatnost kockanja i klađenja;
3. da nema status udruženja;
4. da je registrovan kao privredno društvo sa ograničenom odgovornošću (d.o.o.) ili kao fizičko lice (obrt) koje samostalno obavlja registrovanu poslovnu djelatnost kao osnovno zanimanje;
5. da ima izmirene obaveze po osnovu javnih prihoda zaključno sa 30.04.2022. godine;
6. da ima izmirene obaveze plaćanja indirektnih poreza, ukoliko je u sistemu PDV-a, a ukoliko nije u sistemu PDV-a dostavlja ovjerenu izjavnu nadležnog organa ili notara;
7. da se protiv podnosioca prijave, odnosno odgovornog lica ovlaštenog za zastupanje, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prijestup;
8. da uz prijavu na Javni poziv “POSLOVNI SAJMOVI 2022” dostavi uredno popunjeno „Obrazac za prijavu na Javni poziv“ definisan Programom “POSLOVNI SAJMOVI 2022”;
9. da je poslovni subjekt sa većinskim učešćem (više od 51%) domaćeg kapitala;
10. jedan poslovni subjekt (obrt, d.o.o.) može prijaviti samo jedan program/projekat.



V JAVNI POZIV - OBJAVA

U svrhu realizacije Javnog poziva "POSLOVNI SAJMOVI 2022" Ministarstvo će isti objaviti na svojoj web stranici Ministarstva (www.mp.ks.gov.ba).

VI OBAVEZNA DOKUMENTACIJA

Uz uredno popunjeno „Obrazac za prijavu za sufinansiranje programa i/ili projekata za prijavu na Javni poziv "POSLOVNI SAJMOVI 2022" (u daljem tekstu: **Obrazac za prijavu**), podnositelj prijave treba dostaviti sljedeću **obaveznu dokumentaciju u originalu ili ovjerenoj kopiji**:

1. **Obrazac za prijavu** uredno i sadržajno elektronski popunjeno, potpisano od strane odgovornog lica i ovjeren pečatom poslovnog subjekta, te u printanoj verziji dostavljen sa kompletom traženom dokumentacijom:
 - a) projekat treba da sadrži sve elemente iz Obrasca za prijavu, te da na jasan način objasni o kakvom projektu se radi,
 - b) projekat mora predvidjeti broj mjerljivih rezultata na koje će realizacija projekta imati najviše efekta,
 - c) u pregledu budžeta projekta (poseban prilog) predstavljaju se troškovi do kojih implementator projekta očekuje da će doći za vrijeme trajanja projekta,
 - d) pregled budžeta treba da odgovara opisu prijedloga projekta, a stavke budžeta treba da pratc logičan slijed aktivnosti na način kako je projektom navedeno,
 - e) ukoliko je predviđeno sufinansiranje projekta, potrebno je specificirati planirane aktivnosti i navesti izvore finansiranja navedenih aktivnosti iz vlastitih i/ili drugih izvora (za sajmove koji su organizovani do objave Javnog poziva "POSLOVNI SAJMOVI 2022" ili pisana izjava ovjerenja od nadležnog organa za sajmove koji će se organizovati nakon objave Javnog poziva "POSLOVNI SAJMOVI 2022"),
 - f) u sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta,
 - g) tabelarni prikaz planiranog utroška sredstava mora obuhvatiti sve stavke jasno i kratko opisane sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke (u slučaju već realizovanog projekta u 2022. godini dostavljaju se i dokazi o troškovima realizovanog projekta, te dokazi o izvršenom plaćanju troškova realizovanog projekta).
2. rješenje o registraciji podnosioca;
3. obavijest o razvrstavanju poslovnog subjekta po djelatnosti prema klasifikaciji izdat od strane Federalnog zavoda za statistiku;
4. uvjerenje o poreznoj registraciji poslovnog subjekta (ID broj) izdat od strane Porezne uprave;
5. uvjerenje od nadležne Porezne uprave Federacije BiH o prispjelim i izmirenim obavezama po osnovu poreza i doprinosa zaključno sa 30.04.2021. godine, ne starije od mjesec dana;
6. uvjerenje od UIO o izmirenim obavezama po osnovu PDV-a zaključno sa 34.04.2021. godine, ne starije od mjesec dana, ukoliko nije u sistemu PDV-a, dostavlja ovjerenu izjavnu nadležnog organa ili notara;
7. izjava da se protiv podnosioca prijave, odnosno lica ovlaštenih za zastupanje i voditelja programa i/ili projekta, ne vodi krivični postupak i da nije pravosudno osuđen za prekršaj i/ili počinjenje krivičnog djela i/ili privredni prijestup (ovjerenja kod nadležnog organa ili notara);
8. dokaz o obezbjeđenim vlastitim sredstvima i/ili sredstvima obezbjeđenim iz drugih izvora (Izvod ili Potvrda ovjerenja od banke), ne starije od 3 (tri) mjeseca, računajući od dana objave Javnog poziva „POSLOVNI SAJMOVI 2022“;
9. uvjerenje komercijalne banke da je žiro račun subjekta aktivan, ne starije od 3 (tri) mjeseca, računajući od dana objave Javnog poziva „POSLOVNI SAJMOVI 2022“



VII ZAJEDNIČKE ODREDBE

Ograničenja korištenja sredstava:

- a) sredstva dodijeljena po Javnom pozivu „POSLOVNI SAJMOVI 2022“ ne mogu se pravdati niti realizirati za nabavku osnovnih sredstava i servisne usluge (usluge krećenja, održavanja i sl.);
- b) odobrena sredstva se ne mogu koristiti za pravdanje i/ili isplate administrativnih troškova (struja, voda, prevoz, telefon, mobitel, fax, poštanski troškovi i sl.) u iznosu većem od 20% odobrenih sredstava;
- c) projekat/program za čiju realizaciju se dodjeljuju sredstva Ministarstva treba da sadrži informaciju da je Ministarstvo privrede Kantona Sarajevo finansijski podržalo realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Ministarstva privrede Kantona Sarajevo;
- d) sredstva koja se dodjeljuju po Javnom pozivu „POSLOVNI SAJMOVI 2022“ mogu se pravdati i koristiti isključivo za troškove vezane za organizaciju poslovog sajma/manifestacije za koji se aplicira po Javnom pozivu „POSLOVNI SAJMOVI 2022“.

NAPOMENA: Za održane poslovne sajmove ili one koji će se održati ili slične manifestacije u 2022. godini do dana objave Javnog poziva „POSLOVNI SAJMOVI 2022“ (sufinansiranje/refundacija dijela troškova organizovanog poslovog sajma ili slične manifestacije) ili nakon objave Javnog poziva „POSLOVNI SAJMOVI 2022“ (sufinansiranje dijela troškova) obavezno dostaviti:

- dokaze o troškovima organizacije (predračune, račune, fakture sa fiskalnim računima, potpisane ugovore, popis izlagača, program sajma ili slične manifestacije, medijske objave, promotivne materijale i dr.)
- uz dostavljeni predračun, račun, fakturu sa fiskalnim računom, potpisani ugovor dostaviti i odgovarajuću virmansku uplatnicu ili nalog za izvršenje doznake u inozemstvo (obrazac 1450) ili izvod iz banke koji je ovjeren od strane banke i na kojem su, osim uplaćenih iznosa, navedeni dokumenti po kojima je plaćanje izvršeno. Ukoliko se dostavlja virmanska uplatnica ili nalog za izvršenje doznake u inozemstvo na istima moraju biti naznačeni brojevi dokumenata (predračuna, računa, fakura, ugovora) na osnovu kojih se vrši plaćanje. Virmanske uplatnice i nalozi formirani po elektronskoj uplati moraju biti u originalu ili ovjereni kod banke).

VIII IZBOR KORISNIKA I PRAVNA ZAŠTITA

Pregled prijava i dokumentacije, obradu i kontrolu svih podataka, te ocjenu o ispunjavanju svih uslova vršit će Komisija imenovana rješenjem Ministarstva. Ministarstvo će objaviti preliminarne rezultate Javnog poziva "POSLOVNI SAJMOVI 2022" na web stranici Ministarstva privrede Kantona Sarajevo: www.mp.ks.gov.ba i objaviti Preliminarnu rang listu sa poslovnim subjektima koji ispunjavaju i poslovnim subjektima koji ne ispunjavaju uslove sa navedenim razlozima prihvatanja ili neprihvatanja prijave.

Poslovni subjekt čija prijava ne ispunjava uslove sa razlozima za odbijanje sufinsiranja projekta/programa, a koji smatra da je njegovo pravo povrijedjeno u postupku izbora korisnika sredstava, može uložiti prigovor potpisani od ovlaštenog lica i ovjeren pečatom poslovnog subjekta i dostaviti Ministarstvu u roku od sedam dana od dana objave Preliminarne rang liste. Prigovor se ne može podnijeti ako je prijava odbijena kao neblagovremena ili neuredna. Prigovore po prijavama razmatra drugostepena Komisija koju formira ministar Ministarstva.

Svaki član bilo koje komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.



U slučaju većeg broja odobrenih prijava koje ispunjavaju uslove iz Javnog poziva „POSLOVNI SAJMOVI 2022“, komisije su ovlaštene da procentualno svima umanje pojedinačno odobreni iznos srazmjerno planiranim sredstvima u Budžetu kako bi svi koji ispunjavaju uslove, proporcionalno broju bodova, ostvarili jednaka prava. Za sufinansiranje realizacije odobrenih projekata zaključiće se pojedinačni ugovor između korisnika finansijskih sredstava i ovog Ministarstva. Ministarstvo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo. Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

IX ROK PODNOŠENJE PRIJAVE

Zadnji dan za prijavu na Javni poziv "POSLOVNI SAJMOVI 2022" je **30.06.2022. godine (zaključno)**, a isti će biti objavljen na web stranici Ministarstva privrede Kantona Sarajevo: <http://mp.ks.gov.ba>.

X MJESTO I NAČIN PODNOŠENJA PRIJAVA

Prijavu podnose poslovni subjekti (pravna lica, d.o.o. i fizička lica, obrti) koja samostalno obavljaju registrovanu poslovnu djelatnost kao osnovno zanimanje i uz istu dostavljaju obaveznu dokumentaciju propisanu Javnim pozivom „POSLOVNI SAJMOVI 2020“.

Poslovna jednica/podružnica pravnog lica, d.o.o., ne može samostalno podnijeti prijavu po ovom Javnom pozivu „POSLOVNI SAJMOVI 2022“ jer prijavu isključivo podnosi matično pravno lice, d.o.o., u čijem je sastavu poslovna jednica.

Prijava se podnosi isključivo dostavljanjem „**Obrasca za prijavu**“, a isti se može preuzeti na web stranici Ministarstva (www.mp.ks.gov.ba) koji treba da se popuni elektronski (formulari popunjeni ručno neće se uzeti u razmatranje), te se isti dostavlja u printanoj verziji, potpisani od strane odgovornog lica i ovjeren pečatom poslovnog subjekta, **sa pratećom obaveznom dokumentacijom** navedenom u Javnom pozivu „POSLOVNI SAJMOVI 2022“ u zatvorenoj koverti na Protokol Kantona Sarajevo ili putem poštom na adresu:

**Ministarstvo privrede Kantona Sarajevo,
ul. Reisa Džemaludina Čauševića broj 1. Sarajevo,
sa naznakom:**

"Prijava na Javni poziv za sufinansiranje (dijela troškova) programa i projekata poslovnih subjekata (obrt, d.o.o.) za organizovanje poslovnih sajmova ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu "POSLOVNI SAJMOVI 2022" – NE OTVARATI".

Na poleđini zatvorene koverte obavezno je navesti: **naziv podnosioca, adresu i kontakt, ovjeriti pečatom poslovnog subjekta.**

NAPOMENA: Neblagovremene i neuredne prijave na Javni poziv "POSLOVNI SAJMOVI 2022" neće se uzeti u razmatranje.

